



刑案匯覽卷二十七

目錄

殺死姦夫

殺傷姦婦限外身死姦夫減等

擅殺姦匪本婦自盡正犯減等

擅殺圖姦罪人從犯病故減等

親屬殺姦姦婦自盡減等科斷

幫同捕殺姦夫首犯病故減流

黑夜毆賊問係姦夫復毆致斃

黑夜疑賊毆打死係姦夫

鄰人聽聞喊捕疑賊殺死姦夫

疑賊毆死圖姦伊妹未成罪人

疑姦殺死胞叔外人誤信加功

本夫疑姦謀殺二命事實有因

疑姦殺人駁審有無圖姦形迹

外人聽從幫同捉姦捕賊

聽從親屬糾邀殺姦以擅殺論

獲姦投旗送官族長主令溺斃

非應捉姦之人藉姦訛許殺人

聽糾理論毆死圖姦子媳罪人

外人聽從親屬捉姦僅殺姦婦

收娶弟媳爲妻之犯殺死姦夫

託管幼孩被人強姦忿激殺姦

雇主捆斃調戲鄰女之雇工人

擅殺罪人之餘人及擅傷罪人

聽糾擅傷姦盜罪人以閉傷論

弟犯姦被獲兄聽從幫同致死

毆死圖姦伊妻持仗拒捕罪人

本夫殺死圖姦罪人與子不同

有服親屬殺死調姦應死罪人

殺死調姦罪人之後本婦自盡

本婦殺死圖姦強姦未成罪人

事後殺死圖姦罪人分別辦理

圖姦未遂藉端尋釁將其毆斃

毆死圖姦罪人本婦幫毆免議

男子拒姦轉述生供不能爲據

男子拒姦殺死有服尊長

男子拒姦殺人並無證見生供

被人乘睡雞姦事後殺人無據

因醉被姦後復逼姦將其殺死

圖利被姦後因敗露拒姦殺人

和姦悔過拒絕必須確有證據

年止十八拒殺年逾五十之人

男子拒姦殺人死者年歲不確

男子拒姦殺人分別治罪

和姦拒絕復被逼姦殺死姦夫

年雖十五死者相等拒姦無據

請改男子拒姦條例部議不准

男子拒姦誤傷旁人身死

男子拒殺強姦刃傷之人

刑案匯覽卷二十七

殺死姦夫

殺傷姦婦限外
身死姦夫減等

江西司

查本夫登時姦所獲姦殺死姦婦之案舊

例係本夫擬絞監候嗣雍正五年奉

旨將姦夫擬抵是姦夫既爲姦婦抵償自應仍照鬪毆律

保辜今江西省羅康入與大功堂兄羅連一之妻熊

氏通姦被羅連一登時姦所獲姦用炭火燒傷熊氏

餘限內身死在平人例應擬絞奏請

定奪減爲杖一百流三千里今羅康入係姦總麻以上親

之妻例應擬軍其所減流罪係屬輕罪不議仍將該犯發附近充軍與例相符似可照覆

嘉慶四年諭帖

川督 題馬金賢與周易氏通姦被本夫周榮正登時砍傷周易氏限外身死一案奉

批查姦夫擬抵之案如被傷之姦婦在正限外餘限內身死其應抵之姦夫是否與鬪殺之案一律聲請減流交館速核等因查此案馬金賢與周易氏通姦被本夫周榮正姦所獲姦登時將周易氏用刀砍傷延至正限外餘限內身死該省將該犯依姦夫擬抵例擬

絞援引鬪殺之例聲請減流核與例案相符應請照

覆

嘉慶二十一年說帖

擬殺姦匪本婦
自盡正犯減等

山東司 查嘉慶三年五月本部核題安徽省張琅
孜扎傷王克從身死並原謀張晉士聞拿畏罪自縊
案內聲請嗣後共毆案內除事前在家病故與本案
並無干涉者仍照例不准擬抵外如實因本案畏罪
自盡雖在未經到官之前亦一概准其抵命下手應
絞之犯減等擬流等因通行定例在案此案石英之
妾魏氏赴地拾麥被王還撲拉衣調戲魏氏不依喊

冒王還樸釋手跑避魏氏哭罵走回值石英外出未歸魏氏卽向石英之妻黃氏告知次早石英回家魏氏又復哭告石英聞言生氣邀同堂兄石燦前往毆傷王還樸肱腓等處嗣王還樸之父王其嶺見子傷重欲行控告詎魏氏聞知恐到官出醜並慮伊家主抵命心懷愁急投緹殞命王還樸亦因傷身死查婦人被人調姦本婦親屬將調姦罪人毆斃本婦畏累自盡其擅殺罪人之親屬律例雖無減等明文但以守正不從之婦因本案畏累自盡復將下手傷重之

損殺圖姦罪人
從犯病故減等

家長爲罪人擬以絞抵轉不得與共毆案內下手傷
重之犯因首禍原謀畏罪自盡准其減等之例一律
辦理比例叅觀殊未平允石英一犯應請比照共毆
案內原謀畏罪自盡下手傷重應絞人犯減等例杖
一百流三千里

嘉慶五年題准通行

嘉慶六年纂例十四年修例時添纂殺死姦夫而
姦婦自盡者將擅殺之犯亦一體減流

川督 題陳柱因王世熊圖姦伊姪媳蹇氏未成越

日喊同路過之紹信祿將王世熊拉至廟內毆打因

被辱罵陳柱主使紹信祿將王世熊活埋致斃陳柱

親屬殺姦姦婦
自盡減等科斷

應照擅殺擬絞紹信祿於未經結案之先取保在店
病故應將陳柱照餘人病故於絞候上減爲滿流年
逾七十收贖
嘉慶二十年案

河南司 查李二黑因孫榮與伊妹李四妮通姦登
時將孫榮毆傷李四妮因姦敗露羞愧自縊孫榮亦
越日因傷身死該省援引親屬擅殺姦夫應擬絞抵
者姦婦畏累自盡將擅殺之犯減等例請將李二黑
於應得滿徒上減一等擬杖九十徒二年半情罪允
協應請照覆
道光七年說帖

幫同捕殺姦夫
首犯病故滅流

貴州司

查例載本婦有服親屬捉姦殺死姦夫非

登時而殺依擅殺罪人律擬絞監候又律載共毆人

致死下手傷重者絞監候又例載共毆案內下手應

擬絞抵人犯遇有原謀監斃在獄與解審中途因而

病故者准其抵命將下手應絞之人減等擬流各等

語此案姚巴三因蔣占葵與伊出嫁堂妹姚氏通姦

被氏翁齊老滿撞見盤出姦情心懷氣忿欲拿蔣占

葵送官邀允姚巴三等幫捕各攜柴刀木棍路遇蔣

占葵齊老滿趕攔拿住欲行解送蔣占葵辱罵齊老

滿用刀毆戳傷其右臂膊等處姚巴三亦用刀背毆傷其右臂膊右後脇殞命報府驗訊後齊老滿在保病故該撫將姚巴三依擅殺例擬絞監候等因具題
臣等查尋常共毆致死人命之案原謀在監病斃不手傷重應擬絞抵之犯例得減等擬流者以一命業有一抵則正兇即可從寬未減至有服親屬捉姦擅殺案內起意糾捕之人到官病故下手兇犯例無減等明文惟聽從捉姦擅殺姦夫本較聽從糾鬪毆斃平人者爲輕斷無死係平人一命不可兩抵死係姦

夫反以兩人共償一命之理今姚巴三將與伊出嫁
堂妹姚氏通姦之臈占葵毆傷身死係聽從氏翁齊
老滿糾邀齊老滿於到官訊供後在保病故惟齊老
滿義忿捉姦伴得勿論與共毆原謀罪應擬流者微
有區別惟究係造意首禍之人既因本案拖累致斃
自應准其抵命將該犯量減擬流方足以昭情法之
平該撫將該犯仍照擅殺罪人例擬以絞候較之共
毆人致死原謀在監病斃准其抵命之案轉重殊未
允協罪名出入攸關臣部礙難率覆應令該撫另行

黑夜毆賊問係
姦夫復毆致斃

按例妥擬具題到日再議
道光十二年說帖

陝督 題樊起智捉獲姦夫任亮毆傷身死一案查
律載夜無故入人家已就拘執而擅殺至死者杖一
百徒三年等語推原例義夜無故入人家非真無故
也言其不外乎姦盜兩事也故雖拘執而擅殺律不
擬以絞抵此案樊起智因任亮與伊同居堂弟樊起
祥之妻楊氏有姦該犯先不知情嗣任亮與楊氏約
定姦宿夤夜爬牆進院至楊氏臥房門首該犯聽聞
疑賊起捕黑暗中將任亮揪掣摔倒順用皮繩連毆